

Saksprotokoll i utval for miljø og samferdsel - 07.02.2018

Astrid Aarhus Byrknes (KrF) sette fram slikt forslag:

«Saka vert utsatt i påvente av fråsegn frå Eidfjord kommune.»

Byrknes trekte forslaget sitt.

Stein Inge Ryssdal (H) sette fram slikt forslag:

«Utval for miljø og samferdsel ber fylkesrådmannen be om utsett høyringsfrist slik at uttale frå Eidfjord kommune ligg føre til vår behandling.

Ved utsett frist blir saka lagt fram for utval for miljø og samferdsel og fylkesutvalet for ny behandling.»

Marthe Hammer (SV) sette på vegner av A og SV fram slikt forslag:

«Utval for miljø og samferdsel ber om at Eidfjord kommune vert gjeve høve til å leggje fram uttale før fylkesutvalet si handsaming 21.02.2018.»

Det var 14 representantar til stades.

Røysting

Fylkesrådmannen sitt forslag punkt 1 vart vedteke som innstilling til fylkesutvalet mot 2 røyster (Sp).

Fylkesrådmannen sitt forslag punkt 2 vart samrøystes vedteke som innstilling til fylkesutvalet.

Ryssdal sitt forslag vart samrøystes vedteke.

Hammer sitt forslag vart samrøystes vedteke.

Vedtak

1. Utval for miljø og samferdsel ber fylkesrådmannen be om utsett høyringsfrist slik at uttale frå Eidfjord kommune ligg føre til vår behandling.

Ved utsett frist blir saka lagt fram for utval for miljø og samferdsel og fylkesutvalet for ny behandling.

2. Utval for miljø og samferdsel ber om at Eidfjord kommune vert gjeve høve til å leggje fram uttale før fylkesutvalet si handsaming 21.02.2018.

Innstilling til fylkesutvalet

1. På grunn av manglande kunnskapsgrunnlag i søknaden og av omsyn til biologisk mangfald og friluftsliv rår Hordaland fylkeskommune frå konsesjon for landingsplass på Sima i Eidfjord slik det er søkt om. Søknaden er slik Hordaland fylkeskommune vurderer det, ikkje i samsvar med kunnskapskravet i naturmangfaldlova § 8 og har særleg på grunn av auka støy stort konfliktpotensiale.
2. Hordaland fylkeskommune vil ikkje setja seg i mot at landingsplassen i framtida vert brukt som i dag, dvs. til vedlikehald og inspeksjon av kraftanlegga og linjenettet i området.